


سنه : ۱

۳۰ ايلول ۱۳۳۶

عدد : ۷



بوکا کیم یانمز ایتدی ترک جان ناموس وغیرتله
 بیلنمدی یازقار اوله قدری حق ونسفا
 امانی بولدی ، ظالم النده قالدی حیرتله
 فدا ایتدی نهایت عالمی قصد و ارادتله
 جهان ماتم طوتوب قان آغلادی عبدالعزیز خانه
 مدد الله مبارك جسمی بویاندی قزیل قانه
 طویوب بو حال جانسوزی دیدم یارب معین اول سن
 رفیقی حور عین اولسون دخی جنت آکا مسکن
 ایدوب هم نور فخر عالم ایله تبرینی روشن
 فراقی قالدی جانلرده جهانی ایتدی پرشیون
 جهان ماتم طوتوب قان آغلاسون عبدالعزیز خانه
 مدد الله مبارك جسمی بویاندی قزیل قانه
 شجیع وهم حلیم و پاک نیت شاه ایدی ، حیف
 موفق اولدی بریار و صادق بنده یه زیرا
 فغان و آه کهمز می سانورسک بی وفا دنیا
 یرینی آهی بولدی حق عدالت ایلدی اما
 جهان ماتم طوتوب قان آغلادی عبدالعزیز خانه
 مدد الله مبارك جسمی بویاندی قزیل قانه
 نصل هم شیرمی بو (عادل) یانمز او خاقانه
 که قیدی بونجه ظالم لر قیرنداشی جهانبانه
 رضا و یرمزدی عدل و شفقتی ظلم مشیرانه
 بتون نار فراقی صالدی قلب اهل ایمانه
 جهان ماتم طوتوب قان آغلاسون عبدالعزیز خانه
 مدد الله مبارك جسمی بویاندی قزیل قانه



خاطرات

کچن کون اوراق یغینتیلرینی قارشیدیریرکن الیمه بعض منهم محررات کچدی
 هر دقیقه سنک کذرانی عمرک بر پارچه سنی اولدرمش اولان اوزمانلر خاطره
 کلدکجه آجی طاتلی بر تأثیری موجب اولیور .
 مثلاً : هیئت اعیان رئیس عالیقدری منمنلی زاده رفعت بک افندی حضرتلری

بودن ربيع عصر قدر مقدم سوريه دفتردار لغنده و بو عبد عاجزده طرابلس
شام تعاسبه چيلکنده ايکن واقع اولان بخابره اوراقی نظر دقتی جلب ايتدی .
کچمش زمانلری در خاطر ايتدیرن شوایکی مکتوبی درج صحایف ایلدم .

صورت مکتوب

برکره حاصل اولان اخوت خالصه ده زوال تصور ایتک بعد الفروب
ارضک کونشه انجذابنی انکار ایتک اولور . هیچ نسل اولورکه یکنديکرینه
جبل متین اخوتله ارتباط ایتش ایکی قلب ارمسنده مفاصله وقوعبولسون
کورمک ، کورمامک غلط حسدن کنديسینی هیچ بروقتده قورتاره میان ظاهر
بینلره تأثیر ایدر . ارباب قلوب ایچون اوزاقلق یقینلق یوقدر . قلب کورمک
فعلنک منفیسینی بیلمز . چونکه قلب دائماً کوریر غائی ده کورر حاضریده کورر .
اندن طولای دکلیدرکه حضرت پیغمبر جناب الاهی قلب کوزیله کوره بیایدی .
لطفنامه کزی آلدیم . شو مقدمه جک لطفنامه کزک مطالعه سندن حاصل
اولان سرور وشکرانک درجه سنی ایضاحدن استغنا بخش اولور ظن ایدرم .
بر ایکی آی مقدم حمص و حما جهتارینه کیتمشیدم . طرابلسی کورمک
آرزو ایتدم . بر قوه معنویه بو آرزومی استحصالدن نجی منع ایلدی . نیک
طریقيله شامه دوندم . مکرسه حکمت و ارایمش . مادامکه شمیدی سزاوراده سکز .
بر حمص زیارتی ده لازم کلدی . بلکه ایلک بهاره طوغری کورشمک نصیب
اولور . شام حقنده بر منظومه وار . کاشکی یا نمده اولسه ده بر صورتی کوندرسه
ایدم . باقی بقای اخوت افندم . ۱۵ تشرین ثانی ۳۱۰

عن بیروت سوریه دفتر داری
رفت

جواب

عنایت کرمکاریلرینک محصول جهانقیمتی اولان لطفنامه سامیلری سایه
بخش فرق کترانهم اوله رق وجودمی بر جهان سرور شکنه کتیردی .
فضل و کمال و شعر و انشای بی مثال ادیبانه لری ذاتاً مسلم کائنات اولتله
برابر بویله بالارتجال یازیلان بر مسرتنامه یه درج اولنان جواهر الفاظ و معانی ده کی
مرتبه کثرت ، باعث افلاس سرمایه متبحرین و قیمتشکن آثار ادبای اولین
و آخریندر . شایسته هزار تحسین و آفرین اولان بشارتنامه عالیلرینک بر
فقره سنده عیون مفخرتله کوردو کم ایلک بهارده حمص قصبه سنی تکرار زیارت
ایلک و طرابلس شامه تشریف بیورمق کی وعد نجات غایتک حقیه ادای
تشکرینه لایق تعبیر بولقدن عاجزم .